

PIVALLIAYULIQIYIKKUT INGILRAYULIQIYITKULLU



Unniudjutit Nunallaani Ingilrajuqijikkut Piniarhimadjutini Pinahuarutimi

2017-18



Atanngujanin Naittuq Uqautaa

Pivalliajuliqijikkut Ingilrajuliqijikkullu Havagvia quviahuktuq tunigami naittumik uqautainnik havaktaujukhani tukhiqtauhimajuni iniqtauhimajunilu ataani Nunallaani Ingilrajuliqijikkut Piniarhimadjutini Pinahuarutimi (CTIP) uvani maniliqinikkut ukiumi 2017-18, tunijumaplunilu ilitturipkaidjutinik nakuuniqarninganun pinahuarutim.

Una Nunallaani Ingilrajuliqijikkut Piniarhimadjutini Pinahuaruti tunivaktuq manikkut tunidjutinik ayurnavaktunilu ikajuutinik Nunavunmi nunallaanun nappaqtirutunun munaridjutinunlu ukunani nunallaani pijaami apqutikhanik, imarni piqutikhanik ikajurhuni nunallaani huliluqaarutikhani niqighaqarnikkullu anguniarnikkut hulidjutinik, tamajaqtarnikkullu inini.

Pinahuarutini uukturutikkut-tunnganiqaqtuq, taimaatun mangit tunijaujut nunallaanut tunnganiqarhuni qanurinningani havaktaujukhaup tukhirutainni qanurinninganilu nunallaap ikajurutaani. Ukiuq tamaat akiliqtauuyut ihuaqhaqtauhimayut angikliyuumiqlugit attautimut

qaffiuniit nunalaat tuniyauyut aitootinik. Nunalaani ilauhimaarnikkut, nunalaat ikayuutait, akitutillaangit, uvalu ihuaqhidjutighanun ihuigutauniaqtunut avatingnun hulaqutiniqmun ihumagiyauyut naunaiyautaini havaatigut tughiutini.

Havaktakhanun tukhirutit atauttimun \$5,464,305 ukununga Nunallaani Pijaami Apqutikhanik / Imarni Piqutikhanik ukunanilu Apqputini Pujuulaitkutikhanik havaktaujukhani pijauvaktun 18nin nunallaanin. Tamatkiutihimajunun maniliqtuutikhanik tunijauhijumajut aktillaangani imaa \$4,000,000 atuqtauvaktuq tuninikkut nunallaat apqutini ingilraajanilu ihuarhaidjutainnik takhilaarutiniklu, nutaanik ingilraajaanik, ikaarutikhaniklu iliuraqtaujukhanik niuvirnirnik iliuraqnirniklu puktallaaqtunik tulaktaqvikhanik niuvirnikkullu iliuraqnirniklu apqutini pujuulaitkutikhanik hunanik.

Havaktakhanun tukhirutit atauttimun \$514,720 ukununa Mikijunun Qajanun Tulaktavikhanun havaktaujukhat pihimajun qulinin (10) nunallaanin.

Tamatkiutihimajunun
maniliqtuutikhanik hailihimajun
aktilaangani \$500,000 atuqtauvaktuq
nutaanguqtirutikhanik nunallaani
tulaktaqviknun, maliknin-uquutanun,
umiaqarviknun, umiani tativikhanik
uhijjarvikhavikniklu, nutaamiklu
umiami tulaktarvikhaq.

Unniudjuti tunijuq naittumik
naunaijarutinik uumani
CTIP-kunni havaktaujukhani
havaktauvaktun Nunavunmi
2017mi. Havavaktauvaktuni
naittumik naunaitkuti ilaliutihimajut.

Makpigaap Iluaniitut

Hivuagun	1
Qikiqtaani Havaktaujukhat	2
Kivallirmi Havaktaujukhat	6
Kitikmeoni Havaktaujukhat	9
Naittuq	12
Naunaitkutaa 1 Pijaarnikkut Apquti/ Imarni Piqutikhanik Havaktaujukhat .	13
Naunaitkutaa 2 Pujuulaitkutikhat	14
Naunaitkutaa 3 Mikijuni Qajani Tulaktaqvikhat havaktaujukhat	14

Hivuagun

Pivalliajulijikkut Ingilrajulijikkullu Havagvia (EDT) uqaqtaa piliurnia nutaamik Nunallaani Ingilrajulijikkut Piniarhimadjutini Pinahuarutimik atuliqtuq maniliqinikkut ukiumi 2015-16. Una nutaaq pinahuaruti atautimungaqtitaa piujuugaluaq una Nunalaani Pijaarnikkut Apquti uumunga piujuugaluarumi Mikijuni Qajani Tulaktaqvikhani Pinahuarutimi; himmautigijaalu, ilangani, maniliqtuutikhanik tunijauvaktuugaluaq Iqaluliqinikkut Tariunilu Havagvianin havagnikkut ukiuq tamaat ihuarhainikkut nunallaani umialiqivikni iniinni. Manililqtuutighat angiklijuumiqtayuq atauttimut \$2 million (aulaahimaaqtuq ilaujuq \$500,000 akitujunun Mikijuni Qajani Tulaktaqvikhani Pinahuarutimi), imaatun \$1 million-mik angiklijuumiruti hivuanin hailihimajunin hapkununga pinahuarutinun.

2017-18mi un CTIP pinahuaruti tunijauvaktuq atauhillaagtumik maniliqtuutikhamik ilaliutimik imaatun \$2 million-mik pipkainikku ilanginni angijuni havaktaujukhani aullaqtirutikhainni pipkainikkut niviurnikkut aturnikkullu pujuulaitkutikhainni tamainni Nunavunmi nunallaani. Una

ilaliutihimajuq maniliqtuutikhaq niuvirnirnun imaatun \$814,000 akitutillaangani pujuulaitkutikhanik pipkaqtitaalu aullaqtirnirnik kaffiujunik angijunik pijaarnikkut apqutinik ikaarutikhaniklu havaktaujukhanik taimaatun pilimaitkaluaqtun havagiami taapkunani maniliqtuutikhani hailihimavaktuugaluat ataani uumani pinahuarutimi.

“

...CTIP pinahuaruti tunijauvaktuq imaatun [uuminnga] atauhillaagtumik maniliqtuutikhamik ilaliutaaanin imaatun \$2 million... [pipkaqtipkarhugu] aullaqtirninginnik kaffiujunik angijunik pittaarnikkut apqutinik ikaarutikhaniklu havaktaujukhanik... pilimaitkaluaqtun... maniliqtuutikhani hailihimavaktuugaluat ataani uumani pinahuarutimi.

”

Qikiqtaani Havaktaujukhat

Avikturhimanirmi Naittut Naunaitkutit (Pittaarnikkut Apqutin/ Imarni piqutikhanik/ Pujuulaitkutikhanik)

2017mi, 8 Qikiqtaani nunallaat tunijut tukhirutinik atauttimun imaaton \$931,525 ukununga pijaarnikkut apqutini havaktaujukhani. Tamaita 8-ngjut pijun tuniurhaidjutinik ikajurutikhanik havaktakhamiknun. Tamatkiutihimajuq tuniurhaidjuti imaa ittuq \$836,000 imaaluunniit 90% aktilaangani tukhiqtauniup. Maniliqtuuti atuqtauvaktuq takitiqhugit tahamaniittun apqutin inlrajaalluunniit, apqutiliurnikkut nutaanik ihuarhainikkulluunniit tahamaniittunik apqutimiknik.

Atauhiq (1) nunallaaq tunijavaktuq maniliqtuutikhanik pijaami imarni piqutikhanik (puktallaaqtaaqkunik tulaktaqvikhanik) aktilaaqaqtumik \$300,000. Una aktilaanga pidjutilik 80%-mik maniliqtuutimi tukhiqtauhimajami.

Pingahun (3) nunallaat pijun pujuulaitkutikhanik maniliqtuutikhanik aktilaaqaqtumik \$385,000. Una aktilaanga pidjutilik 91%-mik maniliqtuutimi tukhiqtauhimajami.

Avikturhimanirmi Naunaitkuta (Mikijuni Qajani Tulaktaqvikhat havaktaujukhat)

Hitamat (4) nunallaat Qikiqtaani tunijauvaktun \$167,580 maniliqtuutiknik ukununga maliknin-uquutanun ihuarhainirnik, iliuraqniq puktallaaqtaaqkunik tulaktarviknik, pimmarigharutikhanik maliknin-uquutanun hinaaniniklu.

16 tukhirutit
pijauhimagun

16 aallakkiinin
nunallaanin

\$ 1,688,580
atauttimun tunirhaidjutit

Ikpjarjuk

Victor Bay-min Nuvuanun (Victor Point) Pijaarnikkut Apquti – Una amigaittunik-ukiuqaqtuq havaktaujukhaq pidjutiniaqtuq apqutiliurutimik apqutimin Victor Bay-min uvunga Victor Point-mun. Apqut iniqqat aktilaanga unghahiknia naamavyangniaqtuq 16 kilometers-nik. Imaakiaq 3km-mik apqutiliuqtauvaktuq 2017mi. Ihuittut ilangit marharviit himmiqtauvaktullu. Hivumuuniit kajumiitpaktuq piqanginnikkut hailihimajuini hanalrutini piqanginnilu apqutiliurnikkut ajuittunik. Haamlatkut pihimaliqtuq nutaamik algaktirutimik pualrihautimiklu akhaluutunik atuqtauniaqtullu 2018mi. Haamlatkut pijun tunirhaidjutinik \$80,000 2016-17mi uumunga havaktaujukhamun.

Pujuulaitkutikhanik – Pujuulaitkutikhat niuviqtauvaktun 2017mi, kihimi, taamna tikittuq kinguvaqtitpallaarhuni hananirmi taimaatullu, iliuraqtaungittuq aippaangani. Haamlatkun uqarhimajut uqaqatiginiaqtaa CGS-kut maniliqtuutikhaqariangita hailihimajunik puulaitkutikhanun iliurarutikhainnun 2018mi.

Kangiqtugaapik

Pijaarnikkut Apquti Kangiqtugaapikmin uvunga Cape Christianmun – Haamlatkut tukhiqtun maniliqtuutikhanik pimmarigharumaplugu ilanga Cape Christian apqutaa pipkaqtittumalunilu pidjutikhanik talvanga apqutimin upaktauraanginnaqtunun iqalukhiuqvikmun qajaqtuqvingnunlu. 2016mi CTIP ikajuqpaktuq apqutiliurnikkut malruuknik kilometersnik apqutimi hinaanun, malruukniklu aallanik kilometersnik apqutimik tununganungaujuq talvanga Kuviniqmun. Turaangani una tunikkut ingilrajaarutimik imaakiaq 40junik kilometersnik takitilaangani talvungaujuq Kugaalukmun, upaktauraanginnaqtuq iqalukhiurvik ilihimajaujuq Kangiqtugaapikmiutanin. Apquti nakuujumik iniqtaujuq 2017mi.

Ausuittuq

Pijaarnikkut Apquti uvunga Plateau Area-mun – Piqanginnikkut hanalrutinik aturutikhaniklu mikiupianik havakpaktun uumani apqutimi 2017mi.

Iglulik

Igloolik Point Pijaarnikkut

Apquti – Havagniiit uumani 8km apqutimi ihuarniit ilanginnun apqutimi marhaviit akhakpaktunun, iliurarniit 8nik nutaanik marharvinik iliurarnirnik ujaralianik ilanginni pijukhani. Haamlatkut pijun \$200,000 ihuarhaidjutikhamiknik.

Iqaluit

Maliknin-uqutani Apqutigijaanilu

Pimmarigharniit – Tunidjuti imaatun \$47,080 ikajuqpaktuq ujarakjuaniq qajani tulaktarvikmin, nutaanguqtirhugu maliknin-uqutami tulaktaqvik hanirangmikhugulu apqutigijaanunlu. Pimmarigharutivaktaalu qipitirviani talvani

Kimmirut

Naunaijarniq utuqqamun

Itidjagiq Ingilrajaamun – Haamlatkut havagutingitaa hamna havaktaujukhaq 2017mi havaktikhaqtaalimaidjutinun. Tunidjuti \$3,000 utiqtitaujuq haamlatkunnin.

Pangniqtuuq

Piliurniq Kuullik Ingilrajaamik

Una inglirajaaq anginiqaqtuq apquti nunallamiunnun talvanilluamilu ukiulihaaliraangat upinngahaq

nunguliraangallu taimaatun pivikhaqalluaqanginnirun ahinun hikuliqiliraangat paangani fiordmi. Una amigaittuni-ukiulik havaktaujukhaq pipkainikkut inglirajaaq munarittauttiarningani nungutiffaangittaangani. Imaakiaq 1.6 km inglirajaaq inirhimaliqtuq. Tunidjuti imaatun \$190,000 tunihimajuq Haamlatkunnun uumunga apqutimun 2017mi. Iniqtiqtaujuqhami ilangani apqutimi maniiptiaqtumi nunamiittuq iniqtauniaqtuqlu 2018mi.

Puktallaaqtaqtun Tulaktaviit

Taapkuat puktallaaqtaqtun tulaktaviit niuviqtaujuq 2017mi iliuraqtauniaqtullu 2018mi. Tunidjuti tunijauvaktuq aktilaangani \$300,000 uumunga havaktaujukhamun.

Hinaani pimmarighautikhat

Tunidjuti imaatun \$15,000 tunijauvaktuq halummarhidjutaanun umiani uhijjarvikmi hinaanilu qajaqarvikni nunallaami.

Pujuulaitkutikhat

Pujuulaitkutikhat niuviqtauvaqtun 2017mi, kihimi, taamna tikittuq kinguvaqtitpallaarhuni hananirmi taimaatullu, iliuraqtaungittuq aippaangani. Haamlatkut piqaqtun utuqqamik akhaluutimik ihuarhaqtakhaminik iliurarutikhamiknik. Pujuulaitkutikhaq iliuraqtauniaqtuq 2018mi.

Mittimatalik

Salmon Kuugami Pijaarnikkut Ingilrajaaq – Una amigaittunik-ukiulik havaktaujukhaq atadjutiniaqtaa Mittimatalik Salmon Kuugamun, pidjutijuq iqalukhiurviupluni, tangmaariaqtuuvuupluni qajaqarviuplunilu. 2017mi, \$50,000 tunijauvaktuq takhilaatqirutikhak ingilrajaamik pijukhanguqtunilu ihuarhaidjutikhanik. Imaakiaq 1 kilometer ingilrajaami piliuqtauhimajuq talvannga Salmon Kuugaliamin Salmon Kuugamun.

Pujuulaitkutikhat – Pujuulaitkutikhat niuviqtauvaktun 2017mi, kihimi, taamna tikittuq kinguvaqtitpallaarhuni hananirmi taimaatullu, iliuraqtaungittuq aippaangani. Haamlatkun uqarhimajut uqaqatiginiaqtaa CGS-kut maniliqtuutikhaqariangita hailihimajunik puulaitkutikhanun iliurarutikhainnun 2018mi. Tunidjuti \$160,000 tunijauvaktuq haamlatkunnun niuvirutikhaq taaffumunga.

Qikiqtarjuaq

Hivulliq Imnami Apquti ihuarhaqtauniq – Imaakiaq pingahut (3) kilometers ingilrajaami iniqtauhimajun uumani amigaittuni-ukiuqaqtumik havaktaujukhami

2017mi. Havaktauniit turaangalluarhimajut apqutumun talvunngaujuq Old Broughton-mun, upaktauraanginnaqtuq naunaijariaqturviugami hikumik. Piquaqtuqlu imaakiaq 1 km apqutumik inirhimajumik talvunga Tusunamun. Haamlatkut tunijauvaktun \$100,000 ikajurutikhamik uumunga havaktaujukhamun.

Iliuraqluni Puktallaaqtaaq tunulaktaviinnik – Tunidjuti \$30,000 tunijauvaktuq iliuriami pijariamilu nuanallap puktallaaqtaaq tunulaktarviit 2017mi.

Sanikiluaq

Angikliharlugu Maliknin-Uquutaq – Havakpaktun uumani maliknin-uquutami takhilaatqirhugu naitqijaani pipkaijaami akhaluutunik qipiuqtiriangita nuvuani maliknin-uquutami. Tunidjutimik \$75,000 tunijauvaktuq uumunga havaktaujukhamun 2017mi.

Kivallirmi Havaktaujukhat

Avikturhimanirmi Naittut Naunaitkutit (Pittaarnikkut Apqutin/ Imarni piqutikhanik/ Pujuulaitkutikhanik)

2017mi, talliman (5) Kivallirmi nunallaat tujuqtun tukhirutinik atauttimun imaatun \$1,941,600 ukununga pijaarnikkut apqutini havaktaujukhani. Tamaita pijun tunidjutinik ikajurutikhanik havaktaujukhaujunun. Tunidjutit tunijaujut tamatkiutihimajun imaatun \$1,130,000 imaaluunniit 58%-mik aktilaangani tukhiqtauniup. Maniliqtuuti atuqtauvaktuq takitiqhugit tahamaniittun apqutin/ingilrajanik, apqutiliurnikkut nutaanik ihuarhainikkulluunniit tahamaniittunik apqutimiknik.

Atauhiq (1) nunallaaq tunijavaktuq maniliqtuutikhanik pijaami imarni piqutikhanik (puktallaaqtaaqkunik tulaktaqvikhanik) aktilaaqaqtumik \$195,000. Una aktilaanga naunaikutaujuq 87%-mik umani maniliqtuutikhami tukhiqtaujumi.

Hitaman (4) nunallaat pijun pujuulaitkutikhanik maniliqtuutikhanik aktilaaqaqtumik \$254,000. Una aktilaanga pidjutilik 91%-mik maniliqtuutimi tukhiqtauhimajami.

Avikturhimanirmi Naunaitkutaa (Mikijuni Qajani Tulaktaqvikhat havaktaujukhat)

Malruuk (2) Kivallirmi nunallaak tunijaujuk maniliqtuutikhanik aktilaaqaqtumik \$68,000 ihuarharutikhaq umiami tativikhamik havaklunilu pijarnikkut tulaktaqvikmik iliurarnirnik pijarnirmiklu.

12 tukhirutit
pijauhimagun

12 aallakkiinin
nunallaanin

\$ 1,647,000
atauttimun tunirhaidjutit

Arviat

Apquti Maguse Kuugarmun – Malruuk mikijuk ikaarutikhak niviuqtaujun pipkaijaamik pijaanginnarutikhanik ilanginnun apqutimi immakjuanginnaqtuk ukiuq tamaat. Ikaarutikhak niuviqtauhimajuk, kihimi, umiakkuurutikkut kinguvaqtinniani ikaarutikhak iliuraqtaulimaittuk aujami 2018miluunniit. Ilangit 6km qulaaningani havaktakhat haniani ikaarutimi inirhimajun. Tunidjutimik \$250,000 tunijauvaktuq havagutikhaq uumunga.

Pujuulaitkutikhat – Haamlatkut pijun iliuraqtaalu pujuulaitkutikhanik ilanginnun nunallaap apqutainnun. Tunidjutimik \$112,000 tunijauvaktuq havagutikhaq uumunga.

Qamanittuaq

Umiami Tativingani Havaktaujukhaq – Nungutirnia nunaup haniani umiaqarviut pijukhanguqtuq amigarnaqtunik ihuarhaidjutikhanik havagutigijaami ukiuq tamaat umiaqarvik haniraannik qajangnaittumik. Tunidjutimik \$60,000 tunijauvaktuq hapkununga nutaanguqtirutikhanun 2017mi.

Igluligaarjuk

Takijuuq Apquti – Una amigaittuni-ukiulik havaktaujukhaq tuniniaqtuq nunallaamiutanun pinikkut iqalukhiurviinnun anguniarviinnunlu haniani Josephine Kuugaani. 2017mi, imaakiaq qulin (10) kilometers-nik apqutiliuqtauvaktuq. Tunidjutimik \$300,000 tunijauvaktuq havagutikhaq uumunga 2017mi.

Tulaktaqvikhanik iliuraqniq pijarniqlu – Tunidjutimik \$8,000 tunijauvaktuq iliuraqnirnun pijarnirnunlu puktallaaqtaqtuni tulaktarviknik.

Pujuulaitkutikhat – Pujuulaitkutikhat niuviqtauvaktun 2017mi, kihimi, taamna tikittuq kinguvaqtitpallaarhuni hananirmi taimaatullu, iliuraqtaungittuq aippaangani. Taamna iliuraqtauniaqtuq 2018mi.

Salliq

Isuuralik Ingilrajaaq uumunga Duke of York Kangirhungmun – Una hivituniqaqtuq amigaittuni-ukiulik havaktaujukhaq aulahimmaaqtitauhimajuq qangiqhimaliqtuni 15ni ukiuni. Inigumi, apquhiniq apqutinguqniaqtuq hamunga Salliqmin unalu Duke of York Baymun uvalu anguniaqvia uvalu

iqalukhiuqvia. Hamna nuna quviagijaujuqlu aquivaktunin. 2017mi, \$300,000 tunijauvaktuq havakhimmarutikhaanik apqutimi. Attautimut 9 kilometersmik apqut iniqtauyuq talvani 2017mi havakvighaani ukiungani.

Pijjarlugu utuqqaq tulaktarvik iliuraqlugulu puktallaaqtaaqtuq tulaktarvik – Utuqqaq talaktarvik nakuujumik piijaqtauhimajuq, kihimi, tamajakhat puktallaaqtaaqtumun tulaktarvikhamun tikingittun qilamik tulaktarvik iliuraqtaujaangani. Iliuraqtauniaqtuq 2018mi. \$195,000 tunijauhimajuq uumunga havaktaujukhamun 2017mi.

Pujuulaitkutikhat – Taamna pihimajuq kihimi pijaungittuq qilamik iliuraqvikhaanun 2017mi. Taamna iliuraqtauniaqtuq 2018mi. \$35,000 tunijauhimajuq uumunga havaktaujukhamun 2017mi.

Kangiqliniq

Nunallaami pijaarnikkut apquti pimmarigharniit - Maniliqtuutikhat akitilaangani \$80,000 tunijauvaktuq pimmarigharutikhat nunallaani pijaarnikkut apqutimun Kangiqlinirmin ukununga tallimanun atuqtauraanginnaqtunun pivigijauvaktuni nunallaami. Hapkuat apqutit pidjutiuvaktun anguniarvingnun ilagiiktunilu aullaarvigijainnun.

Nutaanguqtirnikkut havaguit marharviknilu himmauhirutait havaktauvaktun pijaarnikkut apqutinun ukununga Tupiqarvikmun, Swan Lake-mun uvungalu Dianna Kuugami Ingilrajaamun.

Pujuulaitkutikhat – Taamna pihimajuq kihimi pijaungittuq qilamik iliuraqvikhaanun 2017mi. Taamna iliuraqtauniaqtuq 2018mi. \$80,000 tunijauhimajuq uumunga havaktaujukhamun 2017mi.

Tikirarjuaq

Pijaarnikkut Apquti uumunga Wilson Kuugamun – Maniliqtuutikhaq akitilaangani \$200,000 tunijauvaktuq pipkainikkut aulahimmaarutikhaanun uumani pijaarnikkut apqutimi uumunga Wilson Kuugamun (Akkuq). Una apqut atuqtauqpiaqtuq nunalaamin pitquhikkut hulidjutinut anguniarnikkut, iqalukhiurnikkut aulaaqnikkullu. 2017mi, apquti qaanga nutaanguqtiqtaujuq takhilaarjuummiqtaujuqlu 10 kilometres-nik.

Kitikmeoni Havaktaujukhat

Avikturhimanirmi Naittut Naunaitkutit (Pittaarnikkut Apqutin/ Imarni piqutikhanik/ Pujuulaitkutikhanik)

2017mi, hitaman (4) Kitikmeoni nunallaat tujuqtun tukhirutinik atauttimun imaatun \$1,008,092 ukununga pijaarnikkut apqutini havaktaujukhani. Tamaita pijun tunidjutinik ikajurutikhanik havaktaujukhaujunun. Tamatkiutihimajuq tuniurhaidjuti imaa ittuq \$725,000 imaaluunniit 72%-mik aktilaangani tukhiqtauniup. Maniliqtuutikhaq atuqtauvaktuq nutaanguqtirnikkut ilanginni pinahuni tahamaniittuni apqutini, pimmarigharnikkut ikaarutimi pijaarnikkut apqutimun aullaqtirlunilu nappaqtirnirmik ikaarutimik.

Atauhiq (1) nunallaaq pijuuq pujuulaitkutikhanik maniliqtuutikhanik aktilaagaqtumik \$175,000. Una aktilaanga naunaitkutaajuq 62%-mik umani maniliqtuutikhami tukhiqtaujumi.

Avikturhimanirmi Naunaitkutaa (Mikijuni Qajani Tulaktaqvikhat havaktaujukhat)

Hitamat (4) Kitikmeoni nunallaat tunijavaktun maniliqtuutikhanik aktilaangani \$209,500 ikajurutikhaq pivallialiurnikkut umiaqarvikhamik, nutaanguqtirnikkut tulaktaqvikmik, upalungaijarnikkullu nutaamik Umiaqarvikhamik ikajurlunilu aulapkaiffaarutikhaanun nunallaap hinaanik.

10 tukhirutit
pijauhimagun

9 aallakkiinin
nunallaanin

\$ 1,109,500
atauttimun tunirhaidjutit

Iqaluktuuttiaq

Pijaarnikkut Apquti to Ovayok Ukiuqtaqtumi Unaguigarvikmi – \$50,000 tunijauvaktuq apqutimun pidjutikhami ajurnaitqijaujunik pijaarnikkut Ukiuqtaqtumi Unaguigarvikhamun.

Ikaarutikhamik iliuraqniq havaktaujukhaq – Hivulliqpaaq ilangani havaktaujukhaup iniqtaujuq 2017mi. Tunidjutit \$300,000 tunijauvaktuq niuviriama, tamajakhaqariami iliurariamilu iliuraffaaqtaaqtakhanik hakugigharnikkullu ikaarutimi tunngaviinnik.

Urhuqtuuq

Swan Lake Kuugami Ikaarutikhaq – Tunidjuti \$300,000 tunijavaktuq qaanganighaffaariangani pijaarnikkut apqutimi haamlatkunnin Swan Lake-mun.

Tulaktarvikmi Nutaanguqtirniq – Maniliqtuuti imaaton \$7,500 tunijauvaktuq haamlatkunnun niuviriama ilaliutijaujukhamik tamahmaniittumun tulaktaqvikmun.

Kugaaruk

Pimmarigharutikhat uumunga Barrow Lake Pijaarnikkut Apqutimun – Tunidjuti imaaton \$40,000 tunijauvaktuq pimmarigharutikhanun uumunga atuqtauraanginnaqtumun apqutimun. 2017mi kaffijun marharviit himmauthiqtaujut immagaanginnaqtullu takitilaangani apqutimi ihuaqtauvaktun.

Nutaaq Umiaqarvikhaq – Tunidjuti imaaton \$100,000 tunijauvaktuq piliuriami pijaarnikkut apqutimik talvunga nutaamun atuqtakhamun. Nuna tahamani attarighaqtavaktuq amigaittullu ujaragjuat piiqtauvaktun tahamanga.

Kugluktuk

Hinaanik Aulapkaidjutiffaalirutikhat – Tunidjuti imaaton \$52,000 tunijauvaktuq ikajurutikhaq nunalaami Hinaanik Aulapkaidjutiffaarutikhakkut havaktaujukhami. Havaktauniq ilaqaqtuq iliurarnirnik 200 meter-nik ujaralianik tuklaktaqvikmun.

Pujuulaitkutikhat – Taamna pihimajuq kihimi pijaungittuq qilamik iliuraqvikhaanun 2017mi. Taamna iliuraqtauniaqtuq 2018mi. \$175,000 tunijauhimajuq uumunga havaktaujukhamun 2017mi.

Taloyoak

Red Fish Pijaarnikkut

Apquti – Tunidjuti \$30,000
tunijauvaktuq nutaanguqtirutikhanik
ihariagijajunun apqutimun. Apquti
haniraktauhimajuq uumunga
Middle tahirarmun iliuraqtauplutik
marharivikhat iharigijavingni.

Umiakkut Pivikhainnun –

PImmarigharutikhat havaktauvaktun
pipkaijaami qajangnaittumik
tamajanik umianin. Tunidjutimik
\$50,000 tunijauvaktuq
havagutikhaq uumunga.

Naittuq

2017mi, maniliqtuutikhat hailihimajun ataani Nunallaani Ingilrajulijikkut Piniarhimadjutini Pinahuarutimi (CTIP) pipkaqtitait 18 Nunavunmi nunallaat pimmarighaqtipkainikkut apqutitik ingilraatitiklu piqutait ukuallu imarmi piqutait. Maniliqtuutikhat 2017mi pipkaqtitaillu nunallaat niuvirnikkut pujuulaitkutikhanik nunalingnun apqutinun pijaarnikkut apqutinun ingilraanunlu. Hapkuat pimmarighautit pipkaqtitait nunallaamiut pijaarnikkut pitquhikkut anguniarviit, iqalukhiuviit tangmaariaqturviillu qajangnainnikkut nunakkut imakkullu.

Pinahuaruti pipkaqtitait nunallaat ihumaliurutikhainnik inmiknun kitunik havaktaujukhat tunijun nakuutqijajunik aturutikhanik kavamatkunnin maniliqtuutikhanik. Nunallaat ajurnarhidjutiqaqpaktun ihuarhaqtaujukhat pijaami iniqtirutikhanik havaktaujukhanik tukhiqtauhimajun, ilaujunlu: naittuq havakvikhaq, ikittun hanalrutikhat, ikittun pijaarniit titiraujalinikkut ajuittunun kikliqaqtunlu maniliqtuutikhat.

Ukiuq tamaat CTIP amigaitqijauvallaqaqtunin-tukhiutauvaktuq, pidjutilik piniit ihariagijajuni aulapkaidjutikhanik pijukhaunguqpaktuq hivitunitqijaqaqtumi. Taimaatun apqutini piqutin amigaijuummiraangata taimailitpaktuqlu akiinnik auladjutainnik ihariaginirnilu aallanik akitujunik aulapkaidjutinik imaakiaq ikaarutikhanik.

“

2017mi... maniliqtuutikhat hailihimajun ataani Nunallaani Ingilrajulijikkut Piniarhimadjutini Pinahuarutimi (CTIP) pipkaqtitait 18 Nunavunmi nunallaat pimmarighaqtipkainikkut apqutitik ingilrajaatitiklu piqutait ukuallu imarmi aulapkainikkut piqutait.

”

Naunaitkutaa 1**Pijaarnikkut Apquti/ Imarni Piqutikhanik Havaktaujukhat**

Nunallaaq	Tukhiutit Nunaitkutait	Tukhiqtauju	Tunijaujuq*
Ikpjarjuk	Victor Bay-min Nuvuanun (Victor Point)	\$100,000	\$100,000
Arviat	Apqut Maguse Kugaanut	\$440,609	\$250,000
Iqaluktuuttiaq	Pijaarnikkut Apquti uvunga Ovayok Nunavunmi Unaguirhirvik.	\$55,192	\$55,000
Iqaluktuuttiaq	Ikaaruti	\$384,820	\$300,000
Igluligaarjuk	Takijuuq Apquti	\$829,520	\$300,000
Kangiqtugaapik	Cape Christianmin Kuvviniqmun	\$150,000	\$150,000
Salliq	Isuuralik Ingilrajaaq hamunga Duke of York Baymun	\$351,471	\$300,000
Salliq	Pijjarlugu utuqqaq tulaktarvik iliuraqlugulu puktallaaqtaqtuuq tulaktarvik	\$225,271	\$195,000
Urhuqtuuq	Swan Lake	\$438,080	\$300,000
Ausuiittuq	Pijaarnikkut Apquti hamunga Plateau Area-mun	\$42,875	\$43,000
Iglulik	Iglulik Nuvuanun Pijaarnikkut Apquti	\$200,000	\$200,000
Kimmirut	Naunaijarlugit utuqqait Itidjagaaq ingilrajaaq	\$2,700	\$3,000
Kugaaruk	Pimmarigharutikhat uumunga Barrow Lakemi Pijaarnikkut Apqutimun	\$100,000	\$40,000
Pangniqtuuq	Piliurhimmaarniq uumani Kuullik Ingilrajaami	\$159,550	\$190,000
Pangniqtuuq	Puktallaaqtut Tulaktaqviit	\$373,720	\$300,000
Mittimatalik	Salmon Kuugami Pijaarnikkut Apquti	\$50,000	\$50,000
Qikiqtarjuaq	Hivulliq Imnami Apqtimi Ihuarhainiq	\$226,400	\$100,000
Kangiqliniq	Pijaarnikkut Apquti pimmarigharniit, (pingahun (3) apqutin)	\$95,000	\$80,000
Taloyoak	Red Fish Lake Pijaarnikkut Apquti	\$30,000	\$30,000
Tikirarjuaq	Pijaarnikkut Apquti uvunga Wilson Kuugamun	\$225,000	\$200,000
ATAUTTIMUT		\$4,480,208	\$3,186,000

*Taapkunani havaktaujukhat iniqtaulimainnirni, havagvik utiqtiffaaqtipkainiaqtun Nunalingnin.

Naunaitkutaa 2 Pujuulaitkutikhat

Nunallaaq	Tukhiutit Nunaitkutait	Tukhiqtaujuq	Tunijaujuq
Ikpjarjuk	Pujuulaitkutikhat	\$216,000	\$175,000
Arviat	Pujuulaitkutikhat	\$112,208	\$112,000
Igluligaarjuk	Pujuulaitkutikhat	\$75,750	\$76,000
Salliq	Pujuulaitkutikhat	\$61,546	\$35,000
Kugluktuk	Pujuulaitkutikhat	\$280,305	\$175,000
Pangniqtuuq	Pujuulaitkutikhat	\$49,200	\$50,000
Mittimatalik	Pujuulaitkutikhat	\$158,260	\$160,000
Kangiqliniq	Pujuulaitkutikhat	\$30,828	\$31,000
ATAUTTIMUT		\$984,097	\$814,000

Naunaitkutaa 3 Mikijuni Qajani Tulaktaqvikhat havaktaujukhat

Nunallaaq	Tukhiutit Nunaitkutait	Tukhiqtaujuq	Tunijaujuq
Qamanittuaq	Umiat Tativikhainni Havaktaujukhaq	\$60,000	\$60,000
Igluligaarjuk	Tulaktarvikmi Iliurarniq Pijjarniqlu	\$8,000	\$8,000
Urhuqtuuq	Tulaktarvikmi Ihuarhainiq	\$10,000	\$7,500
Iqaluit	Maliknin-Uquutami/Apquutaanilu Ihuarhainiq	\$47,080	\$47,080
Kugaaruk	Nutaaq Umiami Tulaktaqvikhaq	\$180,000	\$100,000
Kugluktuk	Hinaa Ihuaqhaqtaujuukhaq	\$51,640	\$52,000
Pangniqtuuq	Hinaani Halummarhainiq	\$15,500	\$15,000
Qikiqtarjuaq	Iliugaqtakahat puptalaaqtut Tulaktaqviit	\$30,000	\$30,000
Sanikiluaq	Angikliharlugu Maliknin-Uquutaq	\$62,500	\$75,000
Taloyoak	Umianin Pijaarnikkut Inikhaq	\$50,000	\$50,000
ATAUTTIMUT		\$514,720	\$444,580